


悲華經



百三十五  
食六

48/29



元祿九年丙子二月日重脩

皇圖環固 帝階綴昌

佛日增輝 懋輪常轉

山城州天安寺法金剛院置

山  
城  
州  
天  
安  
寺

悲華經卷第六

北涼天竺三藏法師曇無讖譯

諸菩薩受記品第四之四

尔時五人即至佛所以所得物供養世尊及  
比丘僧供養已復白佛言世尊唯願如來授  
我阿耨多羅三藐三菩提記令於賢劫成阿

耨多羅三藐三菩提善男子尔時寶藏如來  
即與五人授阿耨多羅三藐三菩提記于龍  
汝於來世賢劫之中當得成佛号堅音如來  
十号具足堅音如來般涅槃後陸龍次當成  
佛号快樂尊如來十号具足快樂尊佛般涅  
槃後水龍次當成佛号道師如來十号具足



合

導師佛般涅槃後虛空龍次當成佛号愛清  
淨如來十号具足愛清淨佛般涅槃後妙音  
龍次當作佛号那羅延勝葉如來十号具足  
善男子寶藏如來記是五人賢劫成佛已寶  
海梵志復告持力捷疾善男子汝今可取種  
種莊嚴淨妙世界如心所喜便可發願與一  
切衆生甘露法味專心精勤行菩薩道慎莫  
思惟劫數長遠善男子尔時梵志捉持力捷  
疾臂將至佛所至佛所已坐於佛前白佛言  
世尊未來之世於賢劫中有幾佛向如來出  
世尔時佛告持力捷疾言善男子半賢劫中  
有千四佛出現於世持力捷疾言世尊彼賢

劫中諸佛世尊般涅槃已最後妙音龍成阿  
耨多羅三藐三菩提号那羅延勝葉世尊我  
願於尔所時修菩薩道修諸苦行持戒布施  
多聞精進忍辱愛語福德智慧種種助道悉  
令具足賢劫諸佛垂成佛時願我在初奉施  
飲食般涅槃後收取舍利起塔供養護持正  
法見毀戒者勸化安止令住持戒遠離正見  
墮諸見者勸化安止令住正見散亂心者勸  
化安止令住定心無威儀者勸化安止住聖  
威儀若有衆生欲行善根我當爲其開示善  
根彼諸世尊般涅槃後正法垂滅我於尔時  
當護持之令不斷絕於世界中然正法燈刀

兵劫時我當教化一切衆生持不殺戒乃至  
正見於十惡中拔出衆生安止令任十善道  
中滅諸盲冥開示善法我當滅此劫濁命濁  
衆生濁煩惱濁見濁令無有餘於飢饉劫我  
當勸化一切衆生安止任於檀波羅蜜乃至  
般若波羅蜜亦如是我勸衆生任六波羅蜜  
時衆生所有一切飢餓黑暗穢濁怨賊鬪諍  
及諸煩惱悉令寂靜於疾疫劫我當教化一  
切衆生悉令任於六和法中亦令安止任四  
攝法衆生所有疾疫黑暗當令滅盡於半賢  
劫斷滅衆生如是苦惱一千四佛於半劫中  
出世涅槃正法滅已然後我當成阿耨多羅

三藐三菩提如千四佛所得壽命聲聞弟子  
我之壽命聲聞弟子亦復如是等無差別如  
千四佛於半劫中調伏衆生願我亦於半劫  
之中調伏衆生是半劫中諸佛所有聲聞弟  
子毀於禁戒墮在諸見於諸佛所無有恭敬  
生於瞋恚惱害之心破法壞僧誹謗賢聖毀  
壞正法作惡逆罪世尊我成阿耨多羅三藐  
三菩提時悉當拔出於生死汙泥令入無畏  
涅槃城中我般涅槃後正法賢劫一時滅盡  
若我涅槃正法賢劫俱滅盡已我之齒骨并  
及舍利悉當變化作佛形像三十二相瓔珞  
其身一一相中有八十種好次第莊嚴遍在

十方無量無邊無佛世界一一化佛以三乘  
法教化無量無邊衆生悉令不退若彼世界  
病劫起時無有佛法是化佛像亦當至中教  
化衆生如前所說若諸世界無珍寶者願作  
如意摩尼寶珠雨諸珍寶自然發出純金之  
藏若諸世界所有衆生離諸善根諸苦纏身  
我當於中雨優陀娑香栴檀沉水種種諸香  
令諸衆生斷煩惱病諸邪見病身四大病於  
三福處勤心修行令命終時生天人中世尊  
我行菩薩道時當作如是利益衆生我成阿  
耨多羅三藐三菩提已當作如是佛事般涅槃  
後舍利復至無量世界如是利益衆生世



尊若我所願不成不得已利不能與諸衆生  
作大醫王不能利益者我今便爲欺誑十方  
無量世界在在處處現在諸佛如來今者亦  
復不應與我授阿耨多羅三藐三菩提記世  
尊所與無量無邊億阿僧祇衆生授阿耨多  
羅三藐三菩提記者我亦不得見如是人亦不  
聞是佛音聲法僧之聲行善法聲常墮阿鼻  
大地獄中世尊若我所願成就得已利者如  
來今者當稱讚我時佛即讚持力捷疾言善  
哉善哉善男子汝於來世作大醫王令諸衆  
生離諸苦惱是故字汝爲火淨藥王佛告火  
淨藥王汝於來世過一恒河沙等阿僧祇劫

入第二恒河沙阿僧祇劫後分賢劫中一千  
四佛垂成阿耨多羅三藐三菩提汝當悉得  
奉施飲食乃至如上汝之所願那羅延勝業  
般涅槃後正法滅已汝當成於阿耨多羅三  
藐三菩提号樓至如來應正遍知明行足善  
逝世間解無上士調御丈夫天人師佛世尊  
壽命半劫汝之所得聲聞弟子如千四佛所  
有弟子等無差別所化衆生般涅槃後正法  
滅已賢劫俱盡齒骨舍利悉化作佛乃至生  
天人中亦復如是尔時火淨藥王菩薩復白  
佛言世尊若我所願成就得已利者唯願如  
來以百福莊嚴金色之手摩我頂上善男子

尔時寶藏如來即以百福莊嚴之手摩火淨  
藥王頂上善男子尔時火淨藥王菩薩見是  
事已心生歡喜即以頭面禮於佛足却任一  
面尔時寶海梵志以妙天衣與火淨藥王菩  
薩而讚之曰善哉善哉善男子汝之所願甚  
奇甚特從今已往更不須汝與我策使常得  
自在修安樂行尔時佛告寂意菩薩善男子  
時寶海梵志作是思惟我今已勸無量無邊  
百千億那由他衆生令住阿耨多羅三藐三  
菩提我今見是諸大菩薩各各發願取淨佛  
土唯除一人婆由毗紐此賢劫中餘菩薩亦  
離五濁我今當於是末世中以真法味與諸

衆生我今當自堅牢莊嚴作諸善願如師子  
吼悉令一切菩薩聞已心生疑恠歎未曾有  
復令一切大衆天龍鬼神輒闍婆阿脩羅迦  
樓羅緊那羅摩睺羅伽人及非人叉手恭敬  
供養於我令佛世尊稱讚於我并授記荊令  
十方無量無邊在在處處現在在諸佛爲諸衆  
生講說正法彼諸如來聞我師子吼者悉讚  
歎我授我阿耨多羅三藐三菩提記亦遣使  
來令諸大衆悉得見之我今最後發大誓願  
成就菩薩所有大悲乃至成阿耨多羅三藐  
三菩提已若有衆生聞我大悲名者悉今生  
於希有之心若於後時有諸菩薩成就大悲

者亦當願取如是世界是世界中所有衆生  
飢虛於法盲無慧眼具足四流是諸菩薩當  
作救護而為說法我乃至般涅槃已十方無  
量無邊百千億諸世界中在在處處現在諸  
佛於諸菩薩大衆之中稱讚我名亦復宣說  
我之善願令彼菩薩以大悲勤心皆專心聽  
聞是事已心大驚恠歎未曾有先所得悲皆  
更增廣如我所願取不淨土是諸菩薩皆如  
我於不淨世界成阿耨多羅三藐三菩提拔  
出四流衆生安止令住於三乘中乃至涅槃  
善男子今時寶海梵志思惟如是大悲願已  
偏袒右肩至於佛所今時復有無量百千萬

億諸天在虛空中作天伎樂雨種種華各各  
同聲而讚歎言善哉善哉善哉善哉今至佛  
所發竒特願欲以智水滅於世間衆生煩惱  
尔時一切大衆合掌恭敬在梵志前同聲禮  
敬而讚歎言善哉善哉尊大智慧我等今者  
得大利益能作牢堅諸善願也我等今者願  
聞尊意所發善願尔時梵志在於佛前右膝  
著地尔時三千大千世界六種震動種種伎  
樂不鼓自鳴飛鳥走獸相和作聲一切諸樹  
生非時華三千大千世界之中因地衆生於  
阿耨多羅三藐三菩提若已發心若未發心  
唯除地獄餓鬼下劣畜生其餘衆生皆悉生

於大利益心純善之心無怨賊心無濁穢心  
慈心希有心飛行衆生尋住於空心生歡喜  
散種種華末香塗香種種伎樂幢幡衣服而  
以供養柔軟妙音讚詠梵志皆悉一心欲聞  
梵志所發善願乃至阿迦膩吒天天上諸天  
亦下閻浮提在虛空中散種種華末香塗香  
種種伎樂幢幡衣服而以供養柔軟妙音讚  
詠梵志精勤一心欲聞梵志所發善願尔時  
寶海梵志叉手恭敬以偈讚佛

遊戲禪定如大梵王 光明端嚴如天帝釋  
捨財布施如轉輪王 持妙珍寶如主藏臣  
功德自在如師子王 不可傾動如須彌山

心不波蕩。如大海水。於罪不罪。其心如地。  
除諸煩惱。如清淨水。燒諸結使。如火猛炎。  
無諸障礙。猶如大風。示現實法。如四天王。  
所雨法雨。如大龍王。充足一切。猶如時雨。  
破諸外道。如大論師。功德妙香。如須臾華。  
說法妙音。猶如梵天。除諸苦惱。如大醫王。  
等心一切。如母愛子。攝取衆生。猶如慈父。  
身不可壞。如金剛山。能斷愛枝。猶如利刀。  
廣度生死。猶如船師。以智濟人。猶如舟船。  
光明清涼。如月盛滿。開衆生華。如日初出。  
能與衆生。沙門四果。猶如秋樹。生諸果實。  
仙聖圍遶。猶如鳳凰。其意深廣。猶如大海。



等心衆生猶如草木知諸法相如觀空拳  
等心行世平如水相成就妙相善於大悲  
能與無量衆生授記我今調伏無量衆生  
唯願如來與我授記於未來世成就勝道  
微妙智慧大仙世尊願以妙音真實說之  
我於惡世要修諸忍與諸結使煩惱賊闖  
拔出無量一切衆生安止住於寂滅道中  
善男子寶海梵志說此偈讚佛已是時一切  
大衆皆讚歎言善哉善哉善哉大丈夫善能讚  
歎如來法王今時梵志復白佛言世尊我已  
教化無量億衆發阿耨多羅三藐三菩提心  
是諸衆生已皆願取淨妙世界離不淨土以

清淨心種諸善根善攝衆生而調伏之火燄  
摩納等一千四人皆悉讀誦毗陀外典如來  
已爲是諸人等授其記荊於賢劫中當成爲  
佛有諸衆生多行貪婬瞋癡憍慢悉當調伏  
於三乘中是一千四佛所放捨者所謂衆生  
厚重煩惱五濁惡世能作五逆毀壞正法誹  
謗聖人行於邪見離聖七財不孝父母於諸  
沙門婆羅門所心無恭敬作不應作應作不  
作不行福事不畏後世於三福處無心欲行  
不求天上人中果報勤行十惡趣三不善離  
善知識不知親近真實智慧入於三有生死  
獄中隨四流流沒在灰河爲癡所盲離諸善

業專行惡業如是衆生諸佛世界所不容受  
是故殞來集此世界以離善業行不善業行  
於邪道重惡之罪猶如大山尔時娑婆世界  
賢劫中人壽命千歲是一千四佛大悲不成  
不取如是弊惡之世令諸衆生流轉生死猶  
如機關無有救護無所依止無舍無燈受諸  
苦惱而反捨放各各願取淨妙世界淨土衆  
生已自善調伏其心清淨已種善根勤行精  
進已得供養無量諸佛而更攝取世尊是諸  
人等為實尔不尔時世尊即告梵志實如所  
言善男子是諸人等如其所喜各取種種嚴  
淨世界我隨其心已與受記尔時梵志復白

佛言世尊我今心動如緊花樹葉心大憂愁  
身皆憔悴此諸菩薩雖生大悲不能取此五  
濁惡世令彼諸衆生墮癡黑暗世尊乃至來  
世過一恒河沙等阿僧祇劫入第二恒河沙  
等阿僧祇劫後分賢劫中人壽千歲我當待  
時行菩薩道又在生死忍受諸苦以諸菩薩  
三昧力故要當不捨如是衆生世尊我今自  
行六波羅蜜調伏衆生如佛言曰以財物施  
名檀波羅蜜世尊我行檀波羅蜜時若有衆  
生世世從我乞求所須隨其所求要當給足  
飲食醫藥衣服卧具舍宅聚落華香瓔珞塗  
身之香供給病者醫藥侍使幢幡寶蓋錢財

穀帛象馬車乘金銀錢貨真珠璫琉璃珂  
貝璧玉珊瑚真寶偽寶天冠拂飾如是等物  
我於衆生乃至貧窮生大悲心悉以施與雖  
作是施不求天上人中果報但為調伏攝衆  
生故以是因緣捨諸所有若有衆生乞求過  
量所謂奴婢聚落城邑妻子男女手脚鼻舌  
頭目皮血骨肉身命乞求如是過量之物亦  
時我當生大悲心以此諸物持用布施不求  
果報但為調伏攝衆生故世尊我行檀波羅  
蜜時過去菩薩行檀波羅蜜者所不能及未  
來菩薩當發阿耨多羅三藐三菩提心行檀  
波羅蜜者亦不能及世尊我於來世為行菩

薩道故於百千億劫當行如是檀波羅蜜  
尊未來之世若有欲行菩薩道者我當為是  
行檀波羅蜜令不斷絕我初入尸羅波羅蜜  
時為阿耨多羅三藐三菩提故持種種戒修  
諸苦行如檀中說觀我無我故五情不為五  
塵所傷此羸提波羅蜜我如是行羸提波羅  
蜜亦如上說觀有為法離諸過惡見無為法  
微妙寂滅精勤修集於無上道不生退轉此  
毗梨耶波羅蜜我如是行毗梨耶波羅蜜  
若一切處修行空相得寂滅法名禪波羅  
蜜若解諸法本無生性今則無滅名般若  
波羅蜜我於無量百千億阿僧祇劫堅固精

勤修集般若波羅蜜何以故或有菩薩於過  
去世不為阿耨多羅三藐三菩提行菩薩道  
堅固精勤修集般若波羅蜜未來之世或有  
菩薩未為阿耨多羅三藐三菩提得菩薩道  
堅固精勤修集般若波羅蜜是故我今當於  
來世發阿耨多羅三藐三菩提心修菩提道  
令諸善法無有斷絕世尊我初發心已為未  
來諸菩薩等開示大悲乃至涅槃有得聞我  
大悲名者心生驚恠歎未曾有是故我於布  
施不自稱讚不依持戒不念忍辱不猗精進  
不味諸禪所有智慧不著三世雖行如是六  
波羅蜜不求果報有諸衆生離聖七財無佛

世界之所殞棄作五逆罪毀壞正法誹謗賢  
聖行於邪見重惡之罪猶如大山常爲邪道  
之所覆蔽是故我今爲是衆生專心莊嚴精  
勤修集六波羅蜜我爲一一衆生種善根故  
於十劫中入阿鼻地獄受無量苦畜生餓鬼  
及貧窮鬼神畀賤人中亦復如是若有衆生  
空無善根失念焦心我悉攝取而調伏之令  
種善根乃至賢劫於其中間終不願在天上  
人中受諸快樂唯除一生處兜術天待時成  
佛世尊我應如是久處生死如一佛世界微  
塵等劫以諸所須供養諸佛爲一衆生種善  
根故以一佛世界微塵數等諸供養具供養



十方無量無邊一一諸佛亦於十方無量無邊一一佛所得如一佛世界微塵數等諸善功德於一一佛前復得教化如一佛世界微塵數等衆生令住無上菩提之道緣覺聲聞亦復如是隨諸衆生所願而教若有世界佛未出世願作仙人教諸衆生令住十善五神通中遠離諸見若有衆生事摩醯首羅天我願化身如摩醯首羅而教化之令住善法事八臂者亦願化爲八臂天身而教化之令住善法事日月梵天亦願化爲日月梵身而教化之令住善法有事金翅鳥乃至事兔願化爲兔身隨而教化令住善法若見飢餓衆生我

當以身血肉與之令其飽滿若有衆生犯於  
諸罪當以身命代其受罪爲作救護世尊未  
來世中有諸衆生離諸善根燒滅善心我於  
尔時爲是衆生當勤精進行菩薩道墮在生  
死受諸苦惱乃至過一恒河沙等阿僧祇劫  
第二恒河沙等阿僧祇劫後分初入賢劫火  
鬘摩納成阿耨多羅三藐三菩提字拘留孫  
如來時我所教化離諸善業行不善業燒焦  
善心離聖七財作五逆罪毀壞正法誹謗聖  
人行於邪見重惡之罪猶如大山常爲邪道  
之所覆蔽無佛世界所棄捐者令發阿耨多  
羅三藐三菩提心行檀波羅蜜乃至行般若

波羅蜜安止住於不退轉地皆令成佛在於  
十方如一佛土微塵數等諸佛世界轉正法  
輪令諸衆生於阿耨多羅三藐三菩提種諸  
善根出離惡道安止得住功德智慧助菩提  
法者願我今時悉得見之世尊若有諸佛在  
在處處遣諸衆生至諸佛所受阿耨多羅三  
藐三菩提記今得陀羅尼三昧忍辱即得次  
第上菩薩位得於種種莊嚴世界各各悉得  
隨意所求取淨佛土如是衆生悉是我之所  
勸化者入賢劫中拘留孫佛出世之時如是  
等衆亦於十方如微塵等諸佛世界成阿耨  
多羅三藐三菩提在在處處住世說法亦令

我見世尊拘留孫佛成佛之時我至其所以  
諸供具而供養之種種諮問出家之法持清  
淨戒廣學多聞專修三昧勤行精進說微妙  
法唯除如來餘無能勝是時或有鈍根衆生  
無諸善根墮在邪見行不正道作五逆罪毀  
壞正法誹謗賢聖重惡之罪猶如大山我時  
當爲如是衆生說於正法攝取調伏佛日沒  
已我於其後自然當作無量佛事伽那迦牟  
尼迦葉佛等住世說法乃至自然作於佛事  
亦復如是乃至人壽千歲我於今時勸諸衆  
生於三福處過千歲已上生天上爲諸天人  
講說正法令得調伏乃至人壽百二十歲今

時衆生愚癡自在自恃端正種姓豪族有諸  
放逸慳吝嫉妬墮在黑暗五濁惡世厚重貪  
欲瞋恚愚癡憍慢慳吝嫉妬非法行欲非法  
求財行邪倒見離聖七財不孝父母於諸沙  
門婆羅門所不生恭敬應作不作作不應作  
不行福事不畏後世不勤修集於三福處不  
樂三乘於三善根不能修行專爲三惡不修  
十善勤行十惡其心常爲四倒所覆安止住  
於四破戒中令四魔王常得自在灑在四流  
五蓋蓋心當來世中如是衆生六根放逸行  
八邪法入大罪山起諸結縛不求天上人中  
果報邪倒諸見趣於邪道行於五逆毀壞正

法誹謗聖人離諸善根貧窮下賤無所畏忌  
不識恩義失於正念輕蔑善法無有智慧不  
能學問破戒論諂以嫉妬心於所得物不與  
他分互相輕慢無有恭敬懶惰懈怠諸根缺  
漏身體羸劣乏於衣服親近惡友處胎失念  
以受種種諸苦惱故惡色憔悴其眼互視無慚

無愧互相怖畏於一食頃身口意業所作諸  
惡無量無邊以能爲惡故得稱歎爾時衆生  
專共修集斷常二見堅著五陰危脆之身於  
五欲中深生貪著常起忿恚怨賊之心欲害  
衆生心常瞋惱穢濁麁朴未得調伏慳慳貪  
著不捨非法無有決定互相畏怖起於諍竟

以穢濁心共相殺害遠離善法起無善心作  
諸惡業於善不善不信果報於諸善法起違  
背心於滅善法生歡喜心於不善法起專作  
心於寂滅涅槃起不求心於持戒沙門婆羅  
門所生不敬心於諸結縛起希求心於老病  
死起深信心於諸煩惱起受持心於五蓋法  
起攝取心於正法幢起遠離心於諸見幢起  
豎立心常起相違輕毀之心共起鬪諍相食  
噉心各各相違共相侵陵攝取怨恨惱亂之  
心於諸欲惡起無厭心於他財物起嫉妬心  
於受恩中起不報心於諸衆生起賊盜心於  
他婦女起侵惱心是時衆生一切心中無有

善願是故常聞地獄聲畜生聲餓鬼聲疾病  
聲老死聲惱害聲八難聲閉繫聲杻械枷鎖  
縛束聲奪他財物侵惱聲瞋恚輕毀呵責聲  
破壞衆人和合聲他方國賊兵甲聲飢餓聲  
殺貴偷盜聲邪姪妄語狂癡聲兩舌惡言綺  
語聲慳貪嫉妬攝取聲著我我所鬪諍聲憎  
愛適意不適意聲因愛別離憂悲聲怨憎集  
聚苦惱聲各各相畏僮僕聲虜胎臭穢不淨  
聲寒熱飢渴疲極聲耕犁種殖念務聲種種  
工巧疲馱聲疥病患苦羸損聲是時衆生各  
各常聞如是等聲如是衆生斷諸善根離善  
知識常懷瞋恚皆悉充滿沙婆世界悉是也



方諸佛世界之所殞棄以重業故於賢劫中  
壽百四十歲如是衆生業因緣故於娑婆世  
界受其卑陋成就一切諸善根者之所遠離  
娑婆世界其地多有鹹苦鹽鹵土沙礫石山  
陵埳阜谿谷溝壑蚊蚋毒虵諸惡鳥獸充滿  
其中麤澁惡風非時而起常於非時惡雹雨  
水其雨水味毒酢鹹苦以是雨故生諸藥草  
樹木莖節枝葉華果百穀諸味皆悉雜毒如  
是非時麤澁惡濁雜毒之物衆生食已增益  
瞋恚顏色憔悴無有潤澤於諸衆生心無慈  
愍誹謗聖人各各無有恭敬之心常懷恐怖  
共相殘害生惱亂心噉肉飲血剥皮而食執

持刀杖勤作殺害自恃豪族色鬼端正講誦  
外典便習鞍馬善用刀槊弓箭射禦於自眷  
屬生嫉妬心若諸衆生修習邪法受種種苦  
世尊願我亦時從兜術天下生最勝轉輪王  
家若自在王家處在第一大夫人胎為諸衆  
生調伏其心修善根故尋入胎時放大光明  
其光微妙遍照娑婆世界從金剛際上至阿  
迦尼吒天今彼所有諸衆生等若在地獄若  
在畜生若在餓鬼若在天上若在人中若有  
色若無色若有想若無想若非有想若非無  
想悉願見我微妙光明若光觸身亦願得知  
以見知光故悉得分別生死過患勤求無上

寂滅涅槃乃至一念斷諸煩惱是名令諸衆  
生初種涅槃之根莖也願我處胎於十月中  
得選擇一切法入一切法門所謂無生空三  
昧門於未來世無量劫中說此三昧善決定  
心不可得盡若我出胎成阿耨多羅三藐三  
菩提已彼諸衆生我當拔出令離生死如是  
等衆悉令見我雖處母胎滿足十月然其實  
是住珍寶三昧結加趺坐正受思惟十月滿  
已從右脇出以一切功德成就三昧力故令  
娑婆世界從金剛際上至阿迦尼吒天六種  
震動其中衆生或處地獄畜生餓鬼天上人  
中悉得醒悟爾時復以微妙光明遍照娑婆

世界亦得醒悟無量衆生若有衆生未種善  
根我當安止令種善根於涅槃中種善根已  
令諸衆生生三昧牙我出右脇足蹈地時復  
願娑婆世界從金剛際上至阿迦尼吒天六  
種震動所有衆生依水依地依於虛空胎生  
卵生濕生化生在五道者悉得醒悟若有衆  
生未得三昧願皆得之得三昧已安止令在  
三乘法中不退轉地我既生已於娑婆世界  
所有諸天梵王魔天忉利諸天及日月天四  
天王天諸大龍王軋闍婆阿脩羅迦樓羅緊  
那羅摩睺羅伽化生神仙夜叉羅刹悉令盡  
來共供養我令我生已尋行七步行七步已

以選擇功德三昧力故說於正法今諸大衆  
心生歡喜任於三乘於此衆中若有衆生學  
聲聞者願盡此生便得調伏若有習學緣覺  
乘者一切皆得日華忍辱有學大乘者皆得  
執持金剛愛護大海三昧以三昧力故超過  
三任我於尔時希求洗浴願有最勝大龍王  
來洗浴我身衆生見者即任三乘所得功德  
如上所說我為童子乘羊車時所可示現種  
種伎術為醒一切諸衆生故處在宮殿妻子  
姪女五欲之中共相娛樂見其過患夜半出  
城除諸瓔珞嚴身之具為欲破壞尼捷子等  
諸外道師恭敬衣服故我著袈裟至菩提樹

下衆生見我處於菩提樹下皆悉發願欲令  
我速以一切功德成就三昧力說三乘法聞  
是法已於三乘中生深重欲勤行精進若有  
已發聲聞乘者令脫煩惱要一生在當於我  
所而得調伏若有已發緣覺乘者皆悉令得  
日華忍辱若有已發大乘之者皆得執持金  
剛愛護大海三昧以三昧力故超過三地我  
自受草於菩提樹下敷金剛座處結加趺坐  
身心正直繫念在於阿頗三昧以三昧力故  
令出入息停住寂靜於此定中一日一夜日  
食半麻半米以其餘半持施他人我如是久  
遠修習苦行娑婆世界上至阿迦尼吒天聞

我名者皆到我所供養於我我如是苦行如  
是等衆悉當爲我而作證明若有衆生於聲  
聞乘種善根者世尊願令是等於諸煩惱心  
得寂靜若餘一主要至我所我當調伏緣覺  
大乘亦復如是若有諸龍鬼神軋闍婆阿脩  
羅迦樓羅緊那羅摩睺羅伽餓鬼毗舍遮五  
通神仙來至我所供養於我我如是苦行是  
等衆生皆爲證明若有已學聲聞緣覺及大  
乘者亦復如是若有四天下衆生修於外道  
鹿食苦行有諸非人往至其所說如是言卿  
等不能悉行諸苦亦復不得大果報也非是  
希有如我地分有一生菩薩行於苦行復入

如是微妙禪定身口意業皆悉寂靜滅出入  
息一日一夜日食半麻半米如是苦行大得  
果報得大利益多所開化是苦行人不久當  
成阿耨多羅三藐三菩提卿若不信我所言  
者自可往至其所觀其所作世尊願是諸人  
捨其所修悉來我所觀我苦行或有衆生已  
學聲聞乃至大乘亦復如是若有諸王大臣  
人民在家出家一切見我行是苦行來至我  
所供養於我或有已學聲聞緣覺大乘亦復  
如是若有女人見我苦行來至我所供養於  
我是諸女人所受身分即是後邊若有已學  
聲聞緣覺大乘亦復如是若有諸禽獸見我



苦行亦至我所是諸禽獸於此命終更不復  
受畜生之身若有已發聲聞乘者餘一生在  
要至我所而得調伏若有已發緣覺心者亦  
復如是乃至微細小虫餓鬼亦如是我如是  
久遠苦行一結加趺坐時有百千億那由他  
等無量衆生爲我證明如是衆生已於無量  
無邊阿僧祇劫種解脫子世尊我如是苦行  
過去衆生未曾有能作如是行及餘外道聲  
聞緣覺大乘之人亦無有能作如是苦行世  
尊我如是苦行未來衆生亦無能作及餘外  
道聲聞緣覺大乘之人亦無能作如是苦行  
我未成阿耨多羅三藐三菩提時已能作伏

事所謂破壞魔王及其眷屬我願破煩惱魔  
成阿耨多羅三藐三菩提已爲一切衆生安住  
阿羅漢勝妙果中隨念所時現受殘業報身  
如是等二衆生安住阿羅漢第三第四亦如  
是我爲一衆生故示現百千無量神足欲  
令安住正見之中爲一衆生故說百千無量  
法門義隨其所堪令住聖果以金剛智慧破  
一切衆生諸煩惱山爲諸衆生說三乘法爲  
一一衆生故過百千由旬不乘神力往至其  
所而爲說法令得安住無所畏中或有諸人  
於我法中欲出家者願無障礙所謂羸劣失  
念狂亂憍慢無有畏懼疑無智慧多諸結使

其心散亂若有女人欲於我法出家學道蒙  
受大戒者願令成就願我四衆比丘比丘尼  
優婆塞優婆夷悉得供養願諸天人及諸鬼  
神得四聖諦諸龍阿脩羅及餘畜生受持八  
戒修淨梵行世尊我成阿耨多羅三藐三菩  
提已若有衆生於我生瞋或以刀杖火坑及  
餘種種欲殘害我或以惡言誹謗罵詈遍十  
方界而作輕毀若持毒食以用節我如是殘  
業我悉受之成阿耨多羅三藐三菩提往咎  
所有怨賊衆生起於害心種種惡言以雜毒  
食出我身血如是等人悉以惡心來至我所  
我當以戒多聞三昧大悲熏心梵音妙聲而

為說法令彼聞已心生清淨住於善法所作  
惡業尋便懺悔更不復作悉令得生天上人  
中無有障礙生天人中得妙解脫安住勝果  
離諸欲惡永斷諸流障礙業盡若諸衆生有  
殘業者皆悉得盡無有遺餘世尊我成阿耨  
多羅三藐三菩提已一切所有身諸毛孔日  
日常有諸化佛出三十二相瓔珞其身八十  
種好次第莊嚴我當遣至無佛世界有佛世  
界及五濁界若彼世界有五逆人毀壞正法  
誹謗聖人乃至斷諸善根有學聲聞緣覺大  
乘毀破諸戒墮於大罪燒滅善心滅失善道  
墮在生死空曠澤中行諸邪道登涉罪山如

是衆生百千萬億一一化佛一日之中遍爲  
說法或有奉事摩醯首羅隨作其形而爲說  
法亦於尔時稱我名字而讚歎之願是衆生  
聞讚歎我心生歡喜種諸善根生我世界世  
尊是諸衆生若臨終時我不在其前爲演說  
法令心淨者我於未來終不成阿耨多羅三  
藐三菩提若彼衆生命終之後墮三惡道來  
生我國受人身者我之所知無量正法悉當  
滅失所有佛事皆不成就事那羅延者亦復  
如是世尊我成阿耨多羅三藐三菩提已願  
令他方世界所有五逆之人乃至行諸邪道  
登陟罪山如是衆生臨命終時悉來集聚生

我世界隨其本相所受身色艾白無潤面目  
醜陋如毗舍遮失念破戒臭穢短命以此諸  
惡損減其身資生所須常不供足為是衆生  
故於娑婆世界諸四天下一時之中從兜術  
下現處母胎乃至童子學諸伎藝出家苦行  
破壞諸魔成無上道轉正法輪般涅槃後流  
布舍利如是示現種種佛事悉皆遍滿如是  
百億諸四天下

悲華經卷第六

食

殞擯

二同必刃反上非也

猗

於離反一音倚

鈍

徒困反不利也

恃

音市

疋遙反又

笈

莫結反

懶惰

上耶罕反

互視

上正

脆  
不  
堅  
危  
也  
急  
疾  
也  
反  
醜  
月  
反  
鹹  
音  
鹽  
鹵

上俗作  
監  
上  
古  
侯  
反  
疾  
也  
上  
音  
咸  
下

下音  
蒲  
角  
反  
下  
呼  
各  
反  
井  
角  
上  
庚  
反  
文  
下

字  
電  
雨  
角  
反  
醋  
字  
七  
反  
井  
角  
而  
衣  
下  
去  
聲

艾  
白  
上  
吾  
反  
便  
習  
上  
呼  
平  
聲  
刀  
契  
下  
音  
朔  
反  
莪  
音  
哉  
作  
栽  
正  
脇  
助  
也



